

Ислом дини пайдо бўлгандан сўнг унинг доирасида, Куръон ва Хадис ахкомига мос равишда пайдо бўлган тасаввуфий таълимотлар X—XI аерларга келиб Мовароуннахрда ҳам кенг таркала бошлади.

Тасаввуф — Якин ва Ўрта Шарк халklarининг маънавий хаёти тарихидаги энг мураккаб, ўзаро зиддиятларга тўлиб-тошган ва мухим ходисалардан бири бўлиб, унинг учун таркидунёчилик, бу дунё бойликларидан ва нозу неъматларидан воз кечиш, Аллох васлига етмак учун пок, халол, ўз меҳнати ила яшаш, ихтиёрий равишдаги факирлик характерли хусусиятлардан хисобланган.

Марказий Осиёда тасаввуфий таълимотларнинг пайдо бўлиши Юсуф Хамадоний (1048—1140) номи билан боғлиқдир. Юсуф Хамадоний Марв ва Бухорода хонако ва Мадраса курдириб, кўплаб туркигўй, форсигўй шогирдлар тайёрлади. Бухородаги шогирдлари орасида Хасан Андокий, Абдулло Баракий, Ахмад Яссавий ва Абдуҳолик Гиждувоний алохида ажралиб турарди. Кейинрок бу тўрт истеъдодли шогирд Хамадоний мактабини муваффақият билан давом эттирдилар.

«Яссавия», «Накшбандия» тарикатлари Хамадоний таълимоти асо-сида шаклланди. XII аерда Марказий Осиёда пайдо бўлган илк тасаввуфий тарикатнинг асосчиси Хожа Ахмад Яссавий 1041 йилда Сайрамда, Шайх Иброхим оиласида дунёга келган. Унинг вафот этган вақти кўпгина кўлёзма манбаларда хижрий 562 (1166/67) йил деб ёзилган. Ахмад ёшлигида онасидан, сўнг отасидан ажралади. Уни бобоси Арслонбоб тарбиялаб вояга етказди. Ахмад дастлабки таълимотни Яссида машхур олим Шаҳобиддин Исфижобийдан олади. Сўнгра бобоси Арслонбоб кўрсатмаси билан Бухорога бориб, Юсуф Хамадонийдан таълим олади. Ахмад Яссавийнинг ўзи «Устоз Юсуф Хамадонийнинг хузурига 23 ёшида борганини ва ул Хазратнинг тарбиясига ноил бўлгонлигини» айтади. У ерда тасаввуфдан таълим олиб, сўнг ўз юрти Туркистонга кайтади, ўз таълимотини тарғиб этиб, шогирд, муридлар тайёрлай бошлайди. Ривоятларга кўра, Яссавий 63 га (Пайгамбар ёшига) етгач, ер остида хужра ясадиб, «чилла»га кирган, колган умрини тоат-ибодат килиб, кимматли хикматлар ёзиб, риёзатлар чекиб, ер остида ўтказган. Бир ривоятга кўра, у 125 йил, бошка ривоятга караганда, 133 йил умр курган.

Яссавий маданиятимиз тарихида илк туркийзабон мутасаввуф шоир сифатида маълумдир. Унинг тасаввуфни тарғиб этувчи туркийда ёзилган шеърлари тилининг халкка якинлиги, охангдорлиги би-лан тезда машхур бўлиб кетди.

Алишер Навоий ибораси билан айтганда, «Туркистон мулкининг улуг Шайх-ул-машойихи» Хазрати Хожа Ахмад Яссавий жуда кўп мутасаввуф донишмандларни тарбиялаб вояга етказган. Маълумки, «Яссавия» тарикатидан кейин Марказий Осиёда икки йирик тарикат пайдо бўлади: «Накшбандия» (Хўжагон), «Бектошия».

Тасаввуфдаги барча йирик тарикатларда бўлганидек, «Яссавия» тарикатининг ҳам ўзига хос муайян коидалари (одоби) бўлиб, бу таълимотдаги солиқлар куйидаги коидаларга амал килишлари мажбур бўлган:

- 1) Мурид хеч кимсани ўз пиридан афзал кўрмаслиги, унга доимо таслимият изхор килмоги лозим;
- 2) Мурид шунчалик зукко ва идрокли бўлиши керакки, то ўз шайхининг румуз ва ишораларини мукамал англай олсин;
- 3) Шайхнинг барча ахволи (сўзлари) ва афъоли (ишлари)га мурид содик бўлиб, унга

мутлако муте ва мўътакид бўлмоги лозим;

4) Мурид ўз муршиди (пири)нинг барча топширикларини чусту чолоклик (чакконлик) ила сидкидилдан бажариб, уни хамиша рози килиб юрмоги зарур. Чунки ризой Аллох унинг (яъни Шайхнинг) зимнидадир;

5) Мурид ўз сўзига содик, ваъдасига росих бўлиб, муршиди кўнглида ҳеч қандай шаку шубҳа тугдирмаслиги зарур;

6) Мурид ўз ваъдасида вафодор, сўзида устувор турмоги лозим;

7) Мурид ўз ихтиёридаги барча мол-мулкани, бутун бору йўгини ўз шайхига нисор этмок учун доимо тайёр турмоги лозим;

8) Мурид ўз муршидининг барча сир-асрорларидан огоҳ бўлиб, унинг ифшосини ҳеч вақт хаёлига келтирмаслиги керак;

9) Мурид ўз шайхининг барча таклифларини назарда тутиб, унинг мушкилотини осон қилмоги, панду насихатларини бажо келтирмоги шарт;

10) Мурид Худо висоли учун ўз Шайхи йўлида бутун молу жонини нисор этмокка тайёр туриши, унинг дўстига дуст, душманига душман бўлиб яшамоги шарт.

«Яссавия» тарикатининг барча акидалари Ахмад Яссавийнинг асосий асари бўлмиш «Хикмат»да муфассал баён этилган. XII аердаги туркийзабон шеъриятнинг ажойиб намунаси бўлган, кейинги даврлардаги туркий адабиётга катта таъсир кўрсатган «Хикмат» асарида «Яссавия» таълимотидаги поклик, ҳалоллик, тўгрилик, меҳр-шафқат, ўз кўл кучи, пешона тери ва ҳалол меҳнати билан кун кечириш, Аллох таоло висолига етишиш йўлида Инсонни ботинан ва зохиран ҳар томонлама такомиллаштириш каби илгор умуминсоний кадриятлар ифода этилган.

Бағдодда 922 йилнинг 22 март куни риёкор шайхлар ва мутаассиб уламолар томонидан худосизликда айбланиб дорга осилган, сўнгра кўл-оёқлари кесилиб, танаси куйдирилиб, дарёга ташланган машхур мутасаввуф олим Мансур Халлож (858-922) ни Яссавий бир талай шеърларида чуқур ҳурмат билан тилга олади, мазкур илгор, довюрак ва жасур мутасаввуф донишмандга катта рағбат кўрсатади:

«Билмадилар мўллолар «Анал-хак» нинг маъносин,

Кол ахлига хол илмин Хак кўрмади муносиб,

Ривоятлар битилди, холин ани билмади,

Мансурдек авлиёни кўйдилар дорга осиб,

Шариатдур, деб олимлар буюрдилар,

Кофир Мансур ўлмади, деб куйдурдилар.

Ахгар килиб кулин кўкка совурдилар,

Тогу тузлар «Анал-хак», деб турар эрмиш».

Яссавий ҳам ўзининг пири бузруквори Шайх Юсуфи Хамадонийга ўхшаб мол-дунё тўплашга мутлако кизикмаганини, камбағалпарвар ва гарибпарвар бўлиб яшаганлигини унинг баъзи бир хикматларидан ҳам билса бўлади. Мол-дунёга, бойликка ва давлат орттиришга муккасидан кетган, ҳасис ва очофат кишиларни Яссавий беаёв танкид қилади:

Бешак билинг бу дунё барча халқдан ўтаро, Ишонмагил молинга, бир кун кўлдан кеторо, Ото, оно, кариндош қаён кетди, фикр қил, Тўрт оёқлик чўбин от бир кун санго еторо.

Дархақиқат, Хожа Ахмад Яссавий Марказий Осиёдаги илк тасаввуфий тарикат —

«Яссавия»нинг асосчиси, нафакат Хуросон ва Мавороуннаҳр, балки туркийзабон

халқларнинг маънавий тарихида кенг маълум бўлган, мутасаввуф донишманд,

инсонпарвар шоир хисобланади.

